



17. maj 2011

Inatsisartut suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppara:

**Naalakkersuisunut apeqqutit:**

1. **Qaanaami inuit peqqissusaannik misissuinermi kingullermi naammasseqqammer-sumilu inuit timaanni qinngornernik ulorianartunik nalinginnaassumiit qaffasinner-nik nassaartoqarsimava?**
2. **Qingornernik nalinginnaasumiit qaffasinnernik nalaassisoqarsimappat saleqqittoqarniarpa piaartumik?**
3. **Timmisartorsuup B 52-ip nakkarnerata kingorna qaartartorsuit tamarmik qaqqin-qarsimappat?**
4. **Piffissani assigiinngitsuni uummasunik iloqissiornikunik Qaanaap kommunerisima-saata iluani pisaqartoqartarpoq, pisarineqarsimasunut uummasunut tamakkunu-nga katersuiffissamik pilersitsisoqarnissaannik pilersaaruteqartoqarpa, taamaali-lluni kingusinnerusukkut uummasut misissugassanngorlugit allamut aallartinnqartussanngorlugit nunap qaavanut qimaannarnagit?**

(Inatsisartuni ilaasorta, Kristian Jeremiassen Siumut)

**Tungavilersuut:**

Qaanaami peqatigiiffik B-52 ataatsimeeqatigineqarnerata kingorna pissutissaqalerpunga paasissu-tissanik sukumiinersusunik pissarsiniarnissannut.

Innuttaasut peqqissusaasa misissorneqarnerat naammassineqaqqammersoq peqatigiiffik B-52-miit ilisimatinneparpunga, innuttaasullu peqqissusaat pillugu allagarsitinnepartartut piffissami kingu-llermi ilisimalerpara taamaammallu apeqqutiginiarpara innuttaasut peqqissusaasa misissorneqarne-risa kingorna innuttaasuni naammattoorneqarsimanersoq Pituffiup eqqaani 1968-imi timmisartup nakkarnerata kingorna mingutsitsinermi qinngornernik ulorianartunik inuit timaanni nassaartoqar-simava?

Uumasut: Qilalukkat, puisit, aarrit allallu uumasut pisarineqartut angerlaannagit qimaannarneqar-tarsimasut peqatigiiffik B-52-ip ataatsimeeqatigineqarnerata kingorna ilisimalerpara, qimaannarne-qartarsimapput uumasut ilumiui marneqartarsimagamik aammalu iloqiaasarsimallutik taamaa-lilluni nerineqarnissaannut illinnanngivittarsimallutik, uumasullu taakkua katersuiveqaratik taa-maalilluni nunami uumasut allat nerisarsimavaat taamaammat Naalakkersuisut aperiniarpakka uumasut nerineqarsinnaanngitsut nunamut qimaannarneqassaarniassammata Qaanaami katersuif-fimmik Qaanaamiit aallarunneqartarlernissaat pillugu isumaliuteqarnersut.